

## APPHATIA

### Lhande

*Jean-Louis Davant*

Zalgizeko Apphatia, Lhande familiaren etxea izan zen. Baionan sortua 1877an, Pierre Lhande etxe horretan kokatu zen zortzi urteetan, ama alarguna eta haurrideekin. Hiru anaietarik gehienak baitzen, «Apphatia» deitzen ahal genuke euskal ohituraren arabera. Geroztik Lhande familiak eraikina Zalgizeko udalerriari utzi zion. Orain erosi berria du Pariseko RENAUD-COULON bikoteak. Honek Lhande zenaren menderdiurrena (1957an zendu baitzen Atharratzeako ospitalean) ospatu nahi izan du 2007ko irailaren 14an eta 15ean. 14an, ostirale arratsez, Zalgizeko elizan, Coulon andreak mintzaldi erraldoi bat egin digu, informatikazko proiektagailua lagun, jesuita sonatuaren bizitza eta obraren berri emanet. Jakinik Euskaltzaindikoa izan zela, eta hor Harek estrenaturiko zuberotar alkian nagoela (Guillaume Eppherre apeza bitartean egonik), bere laguntzera deitu nau, eta Lhandek euskaltzain bezala burutu zituen lan handienez mintzatu ahal izan naiz tarteka. Biharamunean, ondarearen eguna baliatuz, Haren obren erakusketa bat ikusi dugu Apphatian. Gero, arrastiri apalean, Zalgizeko elizan, Renaud jaunak *L'Inde sacrée* filma proiektatua du, Lhandek han eginiko itzuli baten ondotik idatzi zuen liburuan oinarritua, baina ni ez naiz izan.

Oroitaraz dezadan Pierre Lhande lehenbiziko hamabi euskaltzainetarik izan zela 1919tik, urte horretako irailaren 21ean izendatua Donostian, Gipuzkoako Foru Aldundiaren jauregian. Idazkari kargua bete zuen bi urtez, *Euskeria Agerkaria* paratuz.

Zalgizen egin zaion omenaldi horren kariara, Lhanderen bizitzako gertakizun berezi baten aztertzen hasi naiz: nola eta zerentz Espainiako Gobernuak Hegaoaldean egotea debekatu zion 1920-1922 irian. Eta hona nire lehenbiziko ikerketen emaitzak.

Luis VILLASANTEK hau dio bere *Historia de la literatura vasca* liburuuko 309. orrialdean:

El decenio 1811-1921 residió en el país vascoespañol ... La estancia del P. Lhande en España acabó con la expulsión, por orden del Gobierno, a causa de un DISCURSO que pronunció. Incidente parecido tuvo años después en Bélgica, donde fue prohibida una novela suya, porque en ella la familia real belga quedaba malparada.

Azken esaldi horretarik batzuek ateratzen dute Villasantek egiazki erran ez duena: Espainiako erregearen erasotzea gatik haizatu zutela.

Bidegileak Bildumako 12.a den *Pierre Lhande Heguy (1877-1957)* liburuttoan, 15. orrialdan, Patri URKIZUK beste hau dio:

Literaturaz aparte, politikagaiak ere astindu zituen eta 1919an idatzi eta argitaratu zituen saio batzuek eztabaidea franko sortu zuten: *NOTRE SŒUR LATINE: l'Espagne, Etudes politiques et morales* –Gure ahizpa latinoa, Espania. Politika eta Moral Ikerketak–. Hitzaurrean dioenaren arabera, Frantzia eta Espania arteko ulertezinak gainditu asmoz eta elkar batzeko esperantzan egin zuen lan hori.

Tamalez, bere borondate on hori ez zen oso ongi ikusia izan –Urkijori idatzi gutunean zioen bezala (1919-1-10)–. Alde batetik, editorearen aginduz ezarritako tituluak abertzaleak asaldatu zituen eta Ziburuko Iñaziok astindu egingo omen zuen, eta ez arrazoirik gabe. Beste aldetik, irrigarriago zena, Madridik iritsi agindu batez Espainiatik erbesteratua izan zen, Euskal Probintziak Frantziaratu nahian zebilela aitzaki gisara hartuz.

Dirudienez, Patri Urkizuk Lhanderen kanporatzea *Notre sœur latine* liburuaren oinarritzen du.

Beste arrazoin bat ematen du Guillaume EPPHERREk 1958an, Lhandek 1957an hutsik utziriko alkira igaitean, Euskaltzaindian sartzeko hitzaldian:

Aita Lhande-n khar handia sobera ezagütürük zen: Euskal-Herriaren alde egin zian MINTZALDI baten ondotik, goberniuak jakin-erazi zian Aita Lhande etzela haboro untsa ikuhsirik Bidasoaz bestaldian.

Etzeion baliatü agert-arazi berri zian libria, «*Notre Sœur latine, l'Espagne*.

Ber aldera doa Pierre LAFITTE, Serge Monier jaunarekin eginiko elkarritzketa batean (1):

Parce qu'il a été chassé d'Espagne, par le Roi. Pour avoir fait un ARTICLE dans lequel il se plaignait de l'attitude de Madrid à l'égard du Pays Basque. Alors il a été mis à la porte de l'Espagne.

1982ko urriaren 2tik 1984ko martxoaren 31ra grabatuak izan ziren elkarritzketa horiek. 1901ean sortua, 1985ean zenduko da Lafitte. Badirudi notarik gabe mintzo dela, eta urteak lagun, batzuetaan zehaztasun falta bat nabarian uzten du, bereziki Lhanderen afera horretan:

Heureusement que le Roi a foutu le camp, avant lui, et ça fait que, quand le Roi est mort, la République l'a accepté très bien, au Père Lhande. Il a pu revenir là-bas.

Alphonse XIII 1931an Espainiatik bizirik joan zela badakigu, eta 1941ean Erroman hil.

---

(1) Serge MONIER, *Entretiens souvenirs avec le père Lafitte*, Elkar, 1992 (p.576).

Bere aldetik Joel LARROQUE mauletarrak, bertako Saint-François (d'Assise) ikastetxe katolikoan historia irakasten duenak, interneten idazten du:

...il se fait expulser d'Espagne pour avoir critiqué la politique de Madrid à l'égard du Pays Basque...

Ez du zehazten Lhandek Espainiako agintea ahoz ala idatziz kritikatu zuen, ezta noiz eta non. Azken puntu hori (noiz eta non?) beste autoreek ere ez dute argitzen. Baino Larroquek baieztatzen du kanporatzeko arrazoina gobernuaren euskal politika izan zela, eta ez erregeeari eginiko ez dakit zein laido, edo *Notre sœur latine, l'Espagne* liburua.

Lekukotasun fidagarrienak zaizkit, logikaren arabera, Eppherre eta Villasanterenak. Eppherrek bere aitzinekoaren berri bazakikeen, eta sarrera hitzaldiaren prestatzeko, zokokan ibili daiteke, denok geure sailean egin dugun bezalaxe, Euzkaltzaindian sartzea ez baita txantxetako urratsa. Villasante berriz, toki onean zegoen Euskaltzaindiko artxiboen ikertzeko, eta orokorki, Haren zehaztasunaren berri badakigu. Badirudi beraz Lhanderi Euskal Herriaren aldeko mintzaldi baten ondotik etorri zitzaiola kanporatzeko zigorra. Zein mintzaldi? Norbaitek horren berrirrik baldin balu, zinez eskertuko nuke. Artikulu bat izan bazen, lan errezagoa nuke ...

Kanporatzea noiz gertatu zen? Autoreen artean, data zehatzik ez dut aurkitu, ezta urterik ere. Beraz toki egokienera joan naiz: *Euskera Agerkarira*. Eta hona zer dudan hor aurkitu.

*Euskera 1922» delakoan, argitalpen berriko 2. liburuko 9. orrialdean:*

Donosti'n, Gipuzkoa'ko Aldundi Jauregian, 1921'ko Urrilaren 28'an.

(...)

1. Aita Lhande euskaltzaiñaren gaztigu (mezu) bat dator, Euskaltzaindia'ri naigabez adierazorik, ez diyotela Bidasoako mugetan onuntza igarotzen laga. Españako gobernuaren gebentza (debekua) da noski.

Irakasle lanetan zabilan batetik Hernanin, bestetik Frantziako Tolosan, eta duda gabe azken hiri horretarak zetorren Donostiarantz, mugan geldiarazi dutelarik. Hernanitik *manu militari* botatzea baino hobe izan zitzaiela pentsa dezakegu.

Bizkitartean Joel Larroque Mauleko historia irakasleak 1922an kokatzen du «Agirre irakurgaikina» hitzaldia, Lhandek Donostian egin zuena. Hori urte zuzena baldin bada, karia horretara mugaren pasatzeko baimen berezia erdietsi duke Lhandek.

Berriz 2. liburu horren arabera, 11-12.orr:

Donosti'n Gipuzkoak'ko Aldundi-Jauregian, 1921'ko Azaroa'ren 24'an:

3. Aita Lande'k (sic) España'ko mugazayakin darabilkieyen jardunari Euskaltzaindia'k ez diyo jaramonik egingo; euskaltzañak ordea, bakoitzakiko alpideak aita Lande-ren (sic) alde jarri dezazkiteke.

Oraino 2. liburu horretarik, 15.or., ber bilgunean:

1921'ko Lotazila'ren 29'an:

6. Euskaltzain Lhande jaunaren alde Urkijo jaunak egin dituen jardunak, onek azaldu ditu. Oraindik ordea dasa; Luis Miranda jaunarekin egongo dala; bañan jaun onek, ezin ezer dezakela esatekotan, len *Ministro de la Gobernación* izandako Goikoetxea jaunarengana joko duela.

Beti 2. liburuan, 18.or.:

Donostia'n, Aldundi-Jauregian, 1922'ko ilbeltza'ren 26'an.

3. Maipuruak (Azkue Euskaltzainburuak) Urkijo jaunaren idazki bat irakurri du: idazki ortan dasa Duke de Miranda jaunarekin egon dala, Lhande euskaltzainaren (sic) alde zerbait atontzeko; bañan *Ministro* batengana jotzea obe litzakela. Maipuruak Maura jaunari idatziko diyola agertzen du, ta Euskaltzaindia'k bayetz erantzun diyo.

1922ko liburu horretan, hilabeteko bilkuren berriak 1922ko ekainekoan burutzen dira, Lhanderen beste aipamenik gabe. Ondoko bi libruuetan ere (1923 eta 1924koetan) ez da aipatzen.

Urkijoren ahaleginek zer ondorio izan zuten ez dakit momentuko. Haatik Pierre Lafittek hauxe dio Serge Monier jaunarekin eginiko elkarrizketa liburuan, 576. orrialdean:

Il (Lhande) a essayé de faire intervenir quantité de gens, lui-même a écrit une lettre, qu'il croyait charmante, au Prince, mais ça n'a eu rien à faire, ils l'ont foutu dehors. Bon. Bien. Ça a marché comme ça. Heureusement que le Roi a foutu le camp...

Azken esaldi hau osoan ikusi dugu gorago.

5. liburuan, 1925ekoan aipatzen dira 1922ko bigarren zatiko bilkurak, 1923koak eta 1924ko lehen erdikoak.

1922ko urriaren 27an, Donostiako Aldundian, Lhande aipatzen dute osoko bileran:

6. Aita Lhande euskaltzañaren idazki bat Maipuru jaunak (hots Azkuek) irakurri du. Nai luke Aita Lhande'k Bidasoatik aruzko euskaltzain ta urgazle jaunak alde aietan bildu ta batzar artako erizpideak gero Euskaltzaindiaren Batzar nagusitara ekarri. Euskaltzaindiak aruzko euskaltzain ta urgazleen biltzako (sic) eskubidea ezin uka dezake. Auxe euskaltzain guztiak, aho batez, aitortuko dute.

Aita Lhande'ren idazkia ondo aztertu da ta Euskaltzaindiak auxe erabaki du: Aita Lhande'k,urrengo batzarraldirako, bere asmo ta naiaren idazki zeatzagoa bekar (ekar beza) ta orduan, asti geyagoz, erabaki oso bat artu liteke.

Ber lekuan, 1922ko azaroaren 27an:

5. Aita Lhandek Euskaltzaindiaren idazkiari ez ez (sic) dio erantzupenik oraiñarteraño eman. Orregatik, ez da gai onetzaz erabakirik artu.

Beti, Gipuzkoako Aldundi Jauregian, 1923ko martxoaren 26an:

1. Euskaltzaindiak Zubero-aldeko euskaltzain gabe ez luke batzarraldirik aurrerantzean egin nai, ta Aita Lhande etorri ezin dalako, egoki litzake, ango urgazle bat batzarraldietarako aukeratzea. Izan liteke edo Urresti (Ürrüstoi), edo Irigoyen edo Moix (Foix), edo Orabe Maulengo (sic) irakaslea. Auxe erabaki da: Aita Lahnderi (sic) galdetu oyetatik bat zein izan liteken, edo berak deritzana bidali dezala.

Erantzunik ez dut ezagutzen.

Lhanderen aipamenik ez dut aurkitu ondoko lau liburueta: 1926, 1927, 1928, 1929 delakoetan, hots 6, 7, 8 eta 9.etan. Azkeneko agertzen da 10.ean (1930), 1928ko abenduaren 19ko bilkuran Donostian, Eusko Ikaskuntzako gela nagusian. Hamar euskaltzain oso bildu dira, horietan LHANDE! Lehen aldia du, ene jakinean, 1921eko irailaz geroztik:

II.- Aita Lhandek dio, erri euskaldun askotan, bederatzurren erderaz egiten direla. Lenago ere ibili zuen Euskaltzaindiak arlo auxe, ta orduan bezela erabaki da. Apaiz jaunai galdetzea zer bederatzurren bear duten Euskaltzaindiak igorri dezaien. Erabaki au ere Gotzai jaunari itzez-itz egingo zaio.

1928ko abenduaren 20an, ber bilkurako bigarren egunean:

II.- Larrusquet (sic) apaiz jauna, berak egin duen oraingoxe lan eder bategatik Euskaltzaindik bere urgazle izendatu du.

Duda barik, urgazle berri hori Jean LARRASQUET barkoxtar apeza dugu. Hizkuntzalaria, linguistikako doktore igan zen «Faculté des Lettres de l’Université de Paris delakoan» zubererak duen azentu tonikoa ikertuz, eta horren tesia 1928an agertu zen titulu honekin:

*Action de l'accent dans l'évolution des consonnes étudiée dans le basque souletin – Etude expérimentale, avec 81 figures dans le texte et trois cartes hors texte – Thèse complémentaire pour le Doctorat ès Lettres – Paris, Librairie Vrin, 6 place de la Sorbonne.*

Lhande bere aldetik fonetikari zinez etxekia zen, eta Euskaltzaindiari hastetik eskatu zion fonetikako laboratorio bat eraiki zezan.

Bestalde Lhandek eta Larrasquetek elkarrekin lan bat eginen dute Etxahun-Barkoxeren biziaz eta obraz. Eskualzaleen Biltzarrik 1946an agertuko die, titulu honekin: *Le poète Pierre Topet dit Etchahun (1786-1862) et ses œuvres.*

Ipuinetik historiara igaiteko lehen urrats bat izan zen, eta gero Jean Haritschelhar zinez urrunago joanen da, «Etxahun xaharraren» pausoak eta idazlanak zorrozkiz aztertzuz leku askotako paper zaharretan.

Baina itzul gaitezen Euskaltzaindiko Batzar Agirietaera, Lhanderen presenzia fisikoaren ala bestelakoaren bila:

Andoain'go Udal-etxean 1929'ko agorriaren 22an.

I.- Aita Lhande-ri eskatu bear zaizkio, eman albalezazke bere iztegirako bildu ta gertu dituen gaiak.

Bera ez zegoen bileran.

Aipurik ez dut ediren ondoko lau liburutan (1931, 1932, 1933, 1937).

1935eko liburuan, aipamen hunkigarri hau:

Iruñan, KANPION jaunaren etxean, 1934-ko Orrilaren (maiatzaren) 23-an:

V.- Aita Lhande gure euskaltzainkide maitea, gaxo dagola jakin degu. Zinez atsegabetsen gaitu berri onek, eta beretzaz geiago jakin bear degu.

Lhande egun haitetan, (apirilaren 27an), zinez eritua zen, ezin mintza, hitzak ahantzirik. Emekiño elestan ikasiko du berriz, euskarari esker. Gorabeherak ukanken ditu, baina orokorki ez du gehiago bere maila distiranta erdietsiko.

57 urteetan erdi ezindurik gertatzen da, behar bada Indian jasaniko eguzki kolpe baten ondorioz, eta beste 23 urteak ahal bezala biziko ditu; azken hamarrak, Atharratzeko ospitalean.

Halere Euskaltzaindiko bilkura batera berriz agertuko da behin: 1949ko irailaren 30ean, Donostian. Euskaltzain osoen kopurua hamazortzitara igaiten da. Berriak: Dassance, Lafitte, Lafon, Manuel Lekuona, Saint-Pierre.

1921eko irailaz geroztik, Lhandek bigarren agerraldia du Euskaltzaindian, bestea 1928koa izanki, eta 1949ko hau azkena ere. 1950ko urrian, ezin etorría adierazten du, Dassancerekin batera. Hor urgazle berrien izendapenetan agertzen dira Pierre Charritton eta Guillaume Eppherre apezen izenak. Gero txintik ez.

\* \* \*

Hor naizeno bigarren gai bat aipatuko dut, Aita Lhanderi lotua: euskal fonetikarena, horretan ere sudurra sartu baitzuen. Jarraian eragin baten hasta-pena erdietsi zuen, baina beste segidarak gabe orain arte. Agian pilotatik aterako dugu, sake berri baten emateko, merezi baitu.

*FONETIKAZ LHANDEREN* artikulu bat:

*ESKUALDUNAK* Astekarian:

1717.zenb., 1920-III-19.

L'ABBE ROUSSELOT  
et la Langue Basque

Le distingué celtisant et éminent écrivain qu'est Charles Le Goffic, présentait hier aux lecteurs de la LIBERTE «un grand savant méconnu», un travailleur acharné et modeste pour lequel il revendique à juste titre une chaire officielle en Sorbonne: l'abbé Rousselot, l'inventeur de la méthode nouvelle de la phonétique expérimentale.

L'auteur de DIXMUDE a dit les services rendus par l'humble abbé, au cours de cette guerre, dans l'étude du repérage des sons, et ses applications immédiates. Il a mentionné l'extension pratique de ces découvertes au domaine même de la pathologie. Enfin il a indiqué l'apport insoupçonné de lumières qu'est venu offrir à la linguistique moderne l'invention de l'obscur préparateur au Collège de France.

Or, il y a dans l'œuvre de l'abbé Rousselot un point spécial qui est de nature à intéresser vivement nos lecteurs basques, landais, gascons, bigourdans, etc. et plus encore ceux qui s'attachent à l'étude approfondie de nos dialectes romans d'une part, à l'étud du basque de l'autre.

C'est que seul l'abbé Rousselot, avec sa méthode objective d'enregistrement et l'inscription automatique des sons, est parvenu à trancher irréfutablement les controverses qui s'élevaient à tout instant au sein des académies locales, sur la nature de tel ou tel son, le signe orthographique à choisir pour distinguer tel phénomène phonétique de tel autre, sur le caractère dental, labial ou palatal de telle ou telle variété de prononciation.

En Catalogne en particulier, quand se fonda l'Académie de la langue catalane, à la faveur du mouvement de renaissance littéraire et linguistique créé par l'apparition, et bientôt les foudroyants succès du grand parti nationaliste ou autonomiste, il y eu d'abord entre académiciens des deux versants des Pyrénées de belles batailles. On inclinait à faire choix d'une orthographe non point conventionnelle, comme il arrive dans toutes les langues, mais rigoureusement phonétique, c'est-à-dire exprimant par un signe spécial et réservé chacune des nuances de prononciation. Ce fut la bouteille à encre. Les variétés employées de Perpignan à Barcelone s'échelonnaient en files aussi nombreuses que les crêtes, les gorges et les vallées de toutes les Pyrénées. On ne serait pas sorti de l'imbroglio si M. Meillet, le savant professeur de grammaire comparée à la Sorbone n'eut conseillé de remettre l'arbitrage entre les mains – et les appareils – de l'abbé Rousselot. «Vous voulez, dit l'abbé, savoir si votre son chuintant de la vallée de Prades est un s ou un j? Faites-le passer par un cornet enregistreur de mon appareil et mon appareil vous donnera la réponse.» Et en effet, tous les cas de litige tenant de la phonétique furent ainsi tranchés au moyen de l'ingénieuse méthode.

Les Catalans n'ont pas tardé à donner de leur admiration et de leur reconnaissance pour l'abbé Rousselot un témoignage éloquent. Dès que leur Académie eut obtenu d'avoir à Barcelone un local vaste et spécialement aménagé en vue de ses travaux, elle y fit résérer un corps de logis qui serait exclusivement destiné au laboratoire, au cabinet et aux archives de phonétique expérimentale. Aujourd'hui l'œuvre est achevée: les appareils de l'abbé Rousselot sont installés et fonctionnent, on peut le dire, continuellement. Toutes les variétés dialectales des plus insignifiantes vallées pyrénéennes sont inscrites, fixées, puis classées et conservées, reproduites au besoin pour des échanges avec des laboratoires de Hambourg, de Koenigsberg ou de la Havane ou des communications aux sociétés savantes.

Le Pays Basque pourtant possesseur d'un trésor encore plus rare que les langues romanes, puisque son ESKUARA contemporain du mammouth et de la hache de pierre pour employer l'expression d'un savant allemand, a vu naître probablement toutes les langues parlées aujourd'hui en Europe, le pays basque, lui, est en retard sur les Catalans d'une vingtaine d'années environ.

C'est l'an dernier seulement au mois de septembre que fut créée à Bilbao cette académie de la langue basque, dont le congrès d'Oñate en 1918, sous la présidence effective de S.M. Alphonse XIII, avait voté la fondation. Douze académiciens, neuf représentant les quatre grandes provinces transpyrénéennes, trois pour représenter les trois petites provinces du pays basque-français.

Avec une magnificence vraiment royale, les DIPUTACIONES et AYUNTAMIENTOS de Biscaye, de Guipuzcoa, d'Alava et de Navarre dotèrent la jeune académie qui, à sept mois de sa fondation, se voit pourvue d'une jolie rente annuelle d'environ cent trente mille pesetas pour subvenir à ses besoins, payer les frais de réunions, des déplacements, des jetons de présence, des missions, des prix littéraires etc. De plus Bilbao lui fit bâtir dans son nouveau musée des Beaux-Arts un corps de bâtiment qui sera aménagé selon les exigences du goût le plus moderne. En attendant, les DIPUTACIONES lui ouvrent pour ses séances les salons de leurs magnifiques palais à Bilbao et à Saint-Sébastien.

Une des premières préoccupations de la nouvelle académie fut de s'assurer le concours de l'abbé Rousselot. Dans une langue comme le basque, qui n'a été conservée à travers les siècles sans doute inombrables que par la tradition orale, il importe souverainement de saisir avec la plus scrupuleuse et objective fidélité au moins ce dépôt presque entièrement phonétique et vocal. Aussi l'Académie a-t-elle inscrit à la base même de ses travaux la création d'un laboratoire et d'archives de phonétique expérimentale. Pressenté (Pressenti?) par l'un des membres de l'Académie, M. Julio de Urquijo, le savant directeur de la *REVUE INTERNATIONALE DES ETUDES BASQUES*, l'abbé Rousselot a marqué son désir pressant d'apporter son concours le plus actif à la fixation phonétique de l'ESKUARA. De fait, lui seul pourra trancher le différend créé au début même des travaux de l'Académie par certains procédés orthographiques qu'ont introduits récemment les nationalistes: en particulier l'usage du Z à la place de l'S chuintante forte, prononcée jusqu'à ce jour par la presque totalité des Basques, dans leur nom même et celui de leur langue: ESKUALDUNAK, ESKUARA. Quand on aura fait défiler devant les appareils enregistreurs de l'abbé Rousselot une centaine d'illets dépourvus d'esprit de parti et choisis en divers points des pays, le problème sera résolu.

Aussi, en vue (au vu?) des services déjà rendus par l'abbé Rousselot à la linguistique romane et à la linguistique basque, nous n'hésitons pas, nous les Basques, et aussi nos amis gascons, béarnais, catalans, etc. à appuyer de toute notre force la réclamation faite ici même pour M. le Goffis, pour que cesse le «scandale» de la quasi disgrâce dont M. l'abbé Rousselot est l'objet et à demander pour lui, avec les plus vives instances, non point des décorations – il n'en a que faire – mais son élévation à une chaire officielle en Sorbonne qui lui permettra de donner enfin à son invention tout son éclat et tout son essor.

Pierre LHANDE  
de l'Académie de la langue Basque.

## R. M. AZKUEREN XEDEA

Hortik laster R.M. Azkue euskaltzainburuaak Jean Etchepare euskaltzain urgazleari, 1920ko maiatzaren 17an, gutunetxu harrigarriko proposamen ederra egiten dio/ zion, hitz hauetan, alegia:

«...1º Pozik irakurri duela zure ezkutitz (*lettre*) 13-koa – 2.en Madrid-ko Menendez Pidal izkeltzain andiari oraintxe idatsi (izkribatu) diola: zuretzat an, sei bat ilabeterako, bizibide egokiren bat (quelque emploi digne) ediren dezan, zuk bitartean PHONETIQUE EXPERIMENTALE nola erabili bere CENTRO DE ESTUDIOS HISTORICOS-en ikas dezazun – 3.en Gero alegin eginen degu, zuk, PLAZA ori utzi-orduko, inguru auetan sendalarigo (mediku-plaza) bat izan dezazun – 4n Euskaltzainez (academiko-gisa) besteak bezela izanen dezu zuk ere: batzaldi (séance) bakoitzeko 25 peseta (...) eta yoan-etorri ta HOTELetako txanpon (gastu) guziak Euskaltzaindiaren gainera izango dira.– 5n Menéndez Pidal-en erantzunarena artuta batera ezkutitz berri bat igorriko dizut.

Berriz artio zure agindupean

Azkue

(...»

Baina Menéndez Pidalek ezin izan zuen toki egokirik aurkitu Madrilen Jean Etchepare medikuarentzat, eta horretan gelditu zen Azkueren xedea.

R.M. Azkueren gutun hori eta Etchepareraren erantzun batzuk ageri dira Kepa ALTONAGAren *ETXEPARE ALDUDADEKO MEDIKUA* liburuan, 149-152. orrialdeetan.

## LARRASKETEN LANA

P. Lhandek bere Zubero xokoan arrakasta zerbaite erdietsi zuen euskal fonetikaren alde. Horren aholkuei jarraikiz, zubererak duen fonetika ikertu zuen **Jean Larrasquet** barkoxtar apezak, bereziki azentu tonikoa, lan honi esker linguistikako doktoregoa merezituz, gorago ikusi dugun bezala.

Dena dela, euskara baturako bidea idatzitik hasi dugu, eta hola behar zen, bereziki grafia bakarrarekin.

Azkenean dator ahozko euskararen landu beharra, hala nola irakaskuntza eta irratia-telebistetako hizlariantzat.

Horretan anitz balio duke atlasgintzan bilduriko ekei jori eta nasaiak.



## **AITA PIERRE LHANDE-ren LANAK**

*Jean-Louis Davant*

### **LEHEN PEREDIKÜA**

Euskaldün famatü batek / biltzen güütü heben egün  
Pierra Lhande izan beitzen / mündü güzian ezagün.

Aita züan atharraztar, ama berriz mendikotar  
Baionan sortü zen eta / gero handitu zalgiztar.

Loiolatar Lagündian / sartürık apeztü beitzen  
Gipuzkoako probintzian / eskolemaile sartü zen.

Hamalaueko gerlala / gobernükak züan deitü  
Erizain bezala Pierrak / Italian parte hartü.

Lehen euskaltzainetarik / izentatürık izan zen  
Haren hiztegi handiaz / orano gira baliatzen.

Espaniako gobernükak / hegoaldetik ohiltü  
Izkiribüz eta mintzaldiz / euskaldünegi zela(a) agertü.

Paris aldean izan zen / Abbé Pierrenen aitzineko  
Zernahi obra eginez / jente xeheen lagüntzeko.

Notre-Damen et(a) irratiz / peredikü harrigarriz  
Ebanjelioko mezüa / hegatzen gainez ekarri.

Mündü güzitik zabilan / misiolari lanean  
Bereziki Ameriketan, Madagascarren, Indian.

Eki kolpe batez goizik / ezintürük agitü zen  
Eta ümilki bizia / ützi züan Atharratzen.

\* \* \*

### **1. JELKALDIA**

*1886ko barantailan (otsailan), Baionan jelki maletekin Pauline Heguy-Lhande, Janpierra Lhanderen alargüntsa gaztea. Harekin ahizpa eta senar zenen*

*bi alabak (Stéphanie eta Valentine) eta bere hiru seme gazteñiak: Pierre (Pio), Jean eta Marcel.*

Pauline

Ene hiru semettoak / eta bi lloba maiteak  
Ahültürik ützi güti / züen aitaren joaiteak.

Aita züena bizi zeno, Baionan goxoki ginен  
Orai sosa xühürtürik, Zalgizen gira egonen.

Alokaidüa kentürik, hein bat bizi gaitake han  
Maite düzüen etxean, gurea den Apphatian.

Pierra

Ihiztekan ariko niz / üngürüko harixtoian  
Eta meza emanen düt / arrebekin selaürüan.

Stéphanie

Meza emaiten laket niz / ez balin bada lüzeegi  
Zü tai gabe ari zintake, sekülan ez zaizü aski.

Pierra

Ihizteka denboran phürü, mezarik ez dikezügү  
Eta debeiatü baiko, honttoak emanen deitzüt.

Pauline

Han antzakiko ziraie, bazterrak zabal beitira  
Orai abia gitean, ülüneko erretira.

*Badoatza.*

\* \* \*

## 2. JELKALDIA

*Zalgizen jelki Pauline eta lehen aüzoko etxekoandarea.*

Pauline

Ene aüzo maitea, hona ene istoria  
Llabürra eta tristea, bena bost haurrez joria.

Gazteñirik esposatüz / ahizparen alargüna  
Berehala galdu nüan / zühürtziazko lagüna.

Aüzoa

Haur ejerrak hor düüzü, arraheinki eraikiak  
Bi ahizpa, hiru anai, ezinago adelükä.

Pauline

Bena batek arrenküra / hanitx emaiten ditazü  
Pierra dohainez beteak / segürtamenik ez dizü.

Apeztü nahi lükezü, eta hori dit ametsa  
 Pena handia nikezü / bide hori gal baleza.

Bortuko hur gaitza düzü, nekez antzakatzen dena  
 Beldür nüzü sentokeriaz / ito dakion ahalmena.

Aüzoa  
 Bena Pauline gaixoa, abantxü düzü heltürik  
 Seminario handi hortan / kasik erdia beterik.

Pauline  
 Ateka gaitzeten dela / bihotz oroz dit senditzen  
 Ama baten üsno barna / hein hortara deia tronpatzen?

Aüzoa  
 Otoitzeginen dit züen, hau bederen ahalbeitüt  
 Esperantxa ez otoi gal, Pierrick indarra badizü.

Pauline  
 Eskerrik hanitz aüzoa, herritar honak ditizüt  
 Bena zü aüzo lehena, beharrik ondoan zütüt.

*Badoatza.*

\* \* \*

## KANTA 1

### AMA

Maitatüa sobera nintzalarik haurra  
 Ez nakian nik zer zen amaren beharra  
 Hiri batetan orai niz ni bakar bakarra  
 Amaz orit ordüko, horra zait nigarra!

Hegalñiak azkartzen senditüz gerotzik  
 Beitoatza txoriak ohantze goxotik  
 Halaber joan nündüzün amaren altzotik  
 Ahatzerik benaie herrian engoitik!

Haatik ama gaixoak ez naü ez ahatze  
 Üsü deit Xiberorik igorten goraintzi  
 Hautse neion bihotza nüanean ützi  
 Enetzat baizik ez da / halere han bizi.

### Aho batek eztiki diolarik «Ama»

Hitz goxo bakoitx horrek mündü bat derama  
 Ama beno hoberik zer daiteke asma  
 Horren maitatzen arren gitean oro tema!

*Hitzak: Jules MOULIER «OXOBI» bidarraitar apez euskaltzaina (1888-1958)  
 Antzerki honen idazleak zübereraz egokitürik.*

*Ahairea: Urrundik ikusten dut, ikusten herria (11)*

\* \* \*

### 3. JELKALDIA

*Baionako apezgeitegi handian, borta urdinetik jelki Pierra Lhande.*

*Lhande (koblakaz, «Maria Solt eta Kastero» kantorearen ahairean)*

Baionako apezgeiak, bizi gira zerratürik  
 Arren koblakan hasten niz, ene borta zabaltürik  
 Lagünak entzün ezazüe, libürüa baztertürik  
 Libertatearen aizea, sorleküak buhatürik!

*Eruditik jelkitzen da seminario handiko bürüzagia eta Lhande gaizkitzen dü:*

Pierra Lhande jaun gaztea, heinetik elkitzen zira  
 Isil zite berehala, eta borta hori tira!

Lhande  
 Jauna debeiatzen nüüi, presontegian bezala  
 Ontsa jasaiten düanak, ederki goza dezala  
 Mendi aldeko txoria niz, ez zait gustatzen kaiola  
 Lana hobeki egin niro, libertate harekila!

Bürüzagia  
 Ez düyü lehen aldia / kanpixki bazabiltzala  
 Zerrailüaren gainetik, ergi ñapürra bezala.

Pazentzia higatürik, kexatü behar dit  
 Etxe hontako legea / betarazi zure despit.

Leküa Zalgizen düyü, geroari pentsatzeko  
 Harat idatziko deizüt, zedarrien finkatzeko.

*Bürüzagia eruditik badoa.*

Lhande: Ai, ei, eta, gaixo ama!

*Borta urdinetik badoa.*

\* \* \*

#### **4. JELKALDIA**

*Zalgize Apphatian jelki Pauline eta Pierra Lhande, hau seminarioko letera esküan.*

Pauline

Pierra seme malerusa, gütün horrek echo nizü  
Mintzatü behar dizügü, orai zer egin gei düzü?

Apeztekoa zinela / uste nizün aspaldian  
Berri horrek üzten nizü / etsipen izigarrian.

Pierra

Apezteko xedeari / ez diot ez egin üko  
Bürüzagien hersikeriak / ez ditazü baztertuko.

Pauline

Arren zerbait bila zazü / beste diozesa batetan  
Apentziala segürrenik / apez ordena horietan.

Paueko Aita jesüitek / erretreta bat gisala  
Antolatürük beitüe, deitzazü berehala.

Pierra

Ütz nezazü pentsatzera / denbora buxiñi batez  
Asperra egotxiko dit / ihiztekala joaitez.

*Ama badoa.*

*Pierrak ihiztekako arma hartzen dí, eta letera txilintxau ezarten.*

Lhande

Basihizea hiltzen düt / pena buxi bat kolkoan  
Harek ez beitü ogenik, bizitza bai gogoan  
Letera tzar honek aldiz, hartze dü tiro ederra  
Eta xünen har dezala / ene armaren üzkerria!

*Tiratzen deio eta badoa.*

\* \* \*

#### **5. JELKALDIA**

*Jelki Pierra Lhande eta bi satan: Eskandala eta Ttenttamentü.*

Ttenttamentü

Pierra gazte lerdena, sotanaz ez troza  
Tristüra baztertürük, bizitza goza.

Eskandala

Eliza katolika / zaharkitürk da  
Gazteria galdurik, non düké segida?

Lhande

Hala da zahar dela, gibeloi gogorra  
Sotiltü behar lüke / mintzajen idorra  
Teologia ere / zolatik berritü  
Diziplina torpea / heintto bat arintü.

Ttenttamentü

Denbora galduko dük / hire ametsetan  
Ützak eliza beltza / bere komedietan.

Eskandala

Hire fedea ere / üztarri latza dük  
Jinkorik ote baden / ezin da probatü.

Lhande

Jinko honik ez balitz, non zinatekeie  
Güdükatzerik gabe, zer lan zünükeie?  
Etsai bako armada, zer ezdeüskenia  
Bakean ütz nezazü, «janfutre» parea!

*Satanak badoatza.*

*Bi aingürü erditik jelki, Lhanderekin dantza-jauzi baten emaitera.*

\* \* \*

## KANTA 2

*Jelki Lhande eta Kreatüren kantika kantatü aitzin erran:*

Pauko erretreta hark / hon handia egin beiteit  
Jesuiten Lagundi hortan / berehala düt sartü gei.

## KREATÜREN KANTIKA

Jinko Jaun ahaltsü hona  
Zuri laüdorio, aintza  
Ospe (e)ta esker hon oro  
Zuri bakoizki zor zaitzü  
Eta zur(e) izentatzeko  
Hon den jenterik ez dago.

Laüdatüa bai zü Jauna  
Kreatüra güzietan  
Lehenik eki anaiaz

Harez argitzen gütützü  
 Ederra da, distiranta  
 Goikoa zure miraila.

Laüdorio zuri Jauna  
 Aize anaiaz, aireaz  
 Odei eta zohardiaz  
 Eta denbora güziez  
 Haier esker bizi gira  
 Zure kreatürak oro.

Laüdorio zuri Jauna  
 Arreba hur balios, apal  
 Prezios eta xahüaz  
 Ber heinean sü anaiaz  
 Gaüaz ekiaren orda(r)i  
 Eder, argi, bero beita.

Laüdorio zuri Jauna  
 Ama et(a) arreba lürraz  
 Hazten et(a) azkartzen gütütü  
 Zer nahi früta emanez  
 Lili koloredünakin  
 Eta belhar honekilan.

Laüdorio zuri Jauna  
 Zure maitez et(a) amorioz  
 Parkatzen düenen beitan  
 Nahigabeak jasanez  
 Zorihontsü baketiarak  
 Ko(ro)ha emanen deiezü.

\* \* \*

## 6. JELKALDIA

*Jeiki Aita Longhaye irakaslea eta Lhande apezgeia.*

Lhande  
 Iñigotar Lagündiala / Jinko honak nizü deitü  
 Ene jaidüra ñapürra / zedarritü nahi beitü.

Ühaitzaren indar basa / barreiatüz ahültzen da  
 Bazter azkarren artean, sortzen zaio argindarra.

Longhaye  
 Dohain ontzi bat zirade, aberats izan ahala  
 Senteria gida zühürki, zamari hona bezala.

Jesükristen hitza dügü / jenteer helarazi behar  
 Ahal bezain klarki mintza, hor gatz eta piper ezar.

Idea gogor elibat / builtaka borogatzen deitzüt  
 Jansenisma Euskal Herrian / orano azkar zitazü.

Lhande  
 Iparraldeko fedea / barnoia bezain azkarra  
 Hein bat bortitza da eta / badü zabaltü beharra.

Longhaye  
 Ohartzen hasirik zira, bide hona hartzen düyü  
 Lot arren Jinko honari / eta entelegüari.

Entelegüaren berme, Jauna da gotorleküa  
 Aterpe hau aski zaizü, ene ikasle haütüa.

Lhande  
 Eskerrak errejent hona, lazgarriko zorra deizüt  
 Hola fededün egonez, apezgoala beniz heltü.

\* \* \*

## 7. JELKALDIA

*Zalgizen 1910eko agorrilan, Pierre Lhanderen lehen mezako, jelki apez berria, familia, serorak, eliza gizonak eta herritarrak.*

*Denek kanta, «Magnificat» kantikaren ahairean:  
**Goresten düt, goresten düt / bihotz oroz Jinko Jauna.***

Lhande  
 Neskatoxe bat hartürik / gürtartean amatako  
 Gizaseme zinen egin / jentearen libratzeko.

Oro  
 Odola isuri düyü / denentako kürütxean  
 Hanitx maite gützüla / erakutsirik hiltzean.

Lhande  
 Zure hitzen aragian, odol bizi emailean  
 Biltzen eta hazten gira / mahainaren ützülian.

Oro  
 Zur(e) Ezpiritü Saintüaz / bizi zira gure beitan  
 Argitzen eta berotzen / gützüla nekezietan.

Lhande  
 Heben ere ama hon bat / zuri esker nizün üken  
 Euskal Herria ber gisan / amatako dügü züzen.

Oro

Jauna salba zazü arren / gur(e) Euskal Herri maitea  
Benedikatüz halaber / hebenko ama kentea.

Lhande

Aitak ber gisan prefosta / benedikatzen dütüzü  
Egiazko aiten beharra beita, behinere bezain segür.

Oro

Goresten düt, goresten düt, bihotz oroz Jinko Jauna!

\* \* \*

### KANTA 3

#### IÑAKI

Iñaki	Zelütikan
Jinkoak igorria	Saintü hona
Lurrean izatera	Etxek bat
Jesüsen	Zazpiak!
Güdarien	
Bürúa!	Etxekazü
Biltzarrik	Jaungoikoa
Hartü zütü	Eta lege
Begirale	Herrikoa.
Saintützat!	Etsaiaren garaitzeko,
Zü zira	Zük mana
Nausi lehen	Euskaldüna!
Hoberena	
Guretzat!	Güdükan sartürık
Iñaki, Otoi entzün gitzatzü (E)ta begira gitzatzü.	Ezpata esküan Euskaldünen alde Zeluko indarraz Zük begiratürük!
Bai denek	Euskal Herria
Euskaldunek	Dohatsü biziko da,
Hari gure	Zük, Iñaki,
Bihotzak	Zaintürük!
Harena da	
Herria,	
Ibar, oihan	
Mendi gora!	

Pierre Narbaitz apezak egokiturik (1910-1984).

\* \* \*

## 8. JELKALDIA

Hernaniko kolegioan, jelki Lhande, ikasle talde batekin.

Lhande – Jinko honak deizüela egün hon!

Ikasleek – Bai zuri ere, jauna, parte hon!

Lhande – Galto bat zuri, Antton: zonbat Jinko dira?

Antton – Ez da bat baizik!

Lhande – Egia diozü, bat baizik ez beita.

Eta orai dener: zoin da Jinkoaren manu handiena?

Ikasleek:

– Ez echo!

– Ez ebats!

– Ez gezürrik erran!

– Ez gaizkirik erran!

– Ez ama tronpa!

– Ez aita ere!

– Igantea errespeta...

Lhande – Ontsa! Bena manü bat bada horien gainetik, horien ütürri, eta hau da:

Jinko hona maita bihotz oroz, güzien aita beitügü.

– Eta biggerren manü handia, lehenaren üdürria:

Jente oro maita gure bürüa bezala, denak haurride beigira.

– Algar lagünt, algarri parka, Jinko honak egiten deigün bezala.

Bi manü horik bete balite, gerlarik ez lizateke mündüan...

Jelki Mikel postaria.

Mikel

Berri gaiztoz horra nüzü, gerla delarik Frantzian

Gobernük manü deizü / armadalat hel zitean.

Lhande

Sei urtean heben nago, erdia niz Gipuzkoako

Agur arren haur maiteak, agian ez sekülako!

Badoalarik, ikasleak jeiki dira:

– Agur Aita Lhande!

– Zorte hon gerla hortan!

– Kasü zure bürüari!

– Bertan ützul zakigü!

## 9. JELKALDIA

*Italiako Alpetan, alemanen aitzi, italianoen lagüntzera joanik da Frantziako armada.*

*Jelki bi armadak (alemana eta frantsesa).*

*Güdiķa.*

*Gizon bedera erorten zaie kolpatürük.*

*Bi armadak erretira, Alemaniakoa «türk» aldetik, Frantziakoa bestetik.*

*Erditik jelki Aita Lhande frantses soldado arropan, kirütxe gorriaz markatürik, ber gisan aleman bat eta bi erizain andere.*

*Aita Lhandek bi zauritiak benedikatzen diitü.*

*Erditik eramaiten dütie: frantsesek alemana, alemanek frantsesa.*

\* \* \*

## KANTA 4

*Jelki frantses soldado bat kolpatürük eta kanta «Miindüian malerusik» kantoreraren ahairean.*

### GERLA ZIBILA

Eginbide torpea bete dü gazteak  
 Bena zer erauntsi dü bürü den jenteak  
 Abürü püblikoen gidari kenteak  
 Apez, errejent ala politikariak?

Gazteria eder hori handiek ehortzi  
 Ehaitezat igorri beste gazteen aitzi  
 Kosia kosiarri ganibeta bertan  
 Sabeletik sartzera lohitze batetan.

Hiru Estatü handik, ürgüüz hantürük (1)  
 Zibilisazionea zinez ükatürük  
 Basakeria hütsean ütsüki sartürük  
 Gerla zibilean da Europa gardürik.

Gure masakreala hürrüntik bildürük  
 Gizonez koloniak ausarki hüstürük  
 Mündüa lanjerean holaz ezarririk  
 Enetako ziraike kriminal deiturik.

(1) Alemania, Bretainia Handia eta Frantzia, Romain Rolland frantses idazlearen arabera (1866-1944). Kantore honen ütürria, haren idazlan bat da, «Au-dessus de la mêlée» (1915).

\* \* \*

## 10. JELKALDIA

*Jelki Pierra Lhande, Piarres Lafitte, Philippe Aranart apezak.*

Lhande

Egün hon zuer Jinkoak, esker mila jin beitzide  
Hiztegi bat züekilan / adelatü nahi nüke.

Aspaldian hasirik düt / zalgiztarren hitzak biltzez  
Eta gaineala Londresen / paper zaharrak ikertzez.

Lehen hiru hizkiena / orai artino düt bete  
Haatik aitzina joaiteko, züen beharra banüke.

Lafitte

Ene partetik ni ere, hitzen ihizlari nüzu  
Bena holako lan baten / agertzeko sosa pezü.

Lhande

Püntü hortan ez axola, jesüiten diharüz date  
Eta ene idazkaria / züen hitzen troxazale.

Aranart

Nik ez dit hüllanik ere / züen jakintzaren heinik  
Lafitteren kopiazale / nükeziie arraheinik.

Lafitte

Lan handia dikezügi, haatik ez da bühürria  
Ibilbidea beitükezü / hastetikan ezarria.

Lhande

Eskerrik hanitx oraidanik, goatzan ildoan aitzina  
Euskarak merexi beitü / bürütu gei dügün lana.

Aranart

Eni güti zor beiteket, erranen düt lotsa gabe:  
Euskaldünen argitzeko, libürü handia date.

\* \* \*

## 11. JELKALDIA

*1919eko setemerez, jelki Azkue bizkaitar apeza (euskaltzainburua), Urkijo bizkaitarra, Eleizalde gipuzkoarra, Campion nafartarra eta Lhande zuberotarra.*

Azkue

Aita Lhande badakizü / gure talde honen berri  
Euskararen Akademia / nola dügün hasi berri.

Hastapeneko lau kideek / lehen lana egin dügü  
Euskaltzainen zionea / hamabietan finkatü.

Gure euskalki güziak / heben entzünik dirate  
Zuberoako jargian / zihau jarriko zirade.

Lhande  
Esker mila bihotzetik, ohore sobera düt hor  
EZbeitüt entelegatü / zer balentiarai düdan zor.

Azkue  
Ohore bat beno haboro, euskaltzaingoa kargüa da  
Euskararen artzain gaude, izenaren arabera.

Zure lanak ikusirik / haütatü zütüğü segür  
EZzirela baratüko / pentsatzea beita zühür.

Lhande  
Akademiako lanari / ez dit orano pentsatü  
Zük abantzüa beitzü, zer ote düzü asmatü?

Azkue  
Hernanin bizi beitzira, gipuzkera ikasirik  
Egiten ahal deiküzü / zerbütxü hanitx handirik:

Idazkaria züntükegü, eta kargü horren beitan  
«Euskeria» aldizkaria / ikusten deizüt esküetan.

Lhande  
Oi jesuiten Lagündian / sinestera niz üsatü  
Presidentaren erraner / behar dizigü behatü.

\* \* \*

## KANTA 5

### AMERRI BAKOITZA

Alderdiengainetik, etsaien artetik  
Popülü zühür honen hizkuntza zügüna  
Europako lehena, denen hontarzüna  
Jelki hadi plazala Bernaten hitzetik.

Berozan familia lano güzien petik  
Süsta berriz Herria, bila batarzüna  
Eta presontegitik ekarran lagüna  
Bakean bizi hadin haurren ezpainerik.

Hirekilan giaudela lümaz, obraz, elez  
 Eskola, telebista, libürü, kasetan  
 Irratian, karrikan, herriko etxetan.

Goretsiko haüñagü lanez eta legez  
 Ofizialki deitüko mündütar dantzara  
 Bai Amerri bakarra, hi haüñat euskara.

\* \* \*

## 12. JELKALDIA

*1921eko ürrietaren 28an, Frantziako Tolosan izanik, Gipuzkoalat iitzüli nahi da Aita Lhande. Hendaiako mügan jelki guardia zibil elibat.*

Guardia

Norat ari zira jauna, ez bagira kúriosegi  
 Zeren mezü bat zuretzat / gobernükak deigü jaulki.

Lhande

Üsatzten düdan bezala, banoazü Donostiala  
 Euskaltzaindiko jüntala, Aldundiko Jauregiala.

Guardia

Jauna badüzü epantxü, gobernüaren dekretü  
 Spainian egoitea / jagoiti zaizü debetü.

Lhande

Hamar urte badü orai / ene heben plantatzeak  
 Debetü horrek holatan / zer ote dü apentzia?

Guardia

Gobernúa politikan / jüdikatü omen düzü  
 Ni gainetiko manüen / ekarle baizik ez nüzü.

Lhande

Iholaz ere ni ez niz / Espainiaren etsaia  
 Aski probatürük deiot / etxekimentü guzia.

Eüskal Herriaren alde / mintzatzea düt pakatzen  
 Bena honat ützültzeko / esperantxa begiratzen.

*Lhande badoa.*

*Guardia zibilek üngürüü zonbait egiten due arrapikatüz:  
 «Una, grande, libre...»  
 eta gero «hablando cristiano!»*

\* \* \*

### **13. JELKALDIA**

*Tolosako Ünibertsitate püblikoan, jelki Aita Lhande eta Piarres Lafitte.*

Lhande

Ünibertsitateko bürüa / eskertü behar dizügi  
 «Institut Catholiquetik» / püblikoalat benaü deitü.

Euskal literatüraz da / ene mintzaldi andana  
 Uste beno nasaiago / beita euskal idazlana.

Lafitte

Literatüra praua / omen da zonbaiten ustez  
 Eta hala izan daite / generoen zonbakiez.

Lhande

Haatik ontsa erauntsi dü / fedeaz eta moralaz  
 Hamaseigerren mentetik / idazle honen euskarak.

Orai zabaltzen ari da / genero güzietara  
 Eta diren geiak oro / euskarak aipatzen dira.

Literatüra nazional bat / hasi züen nafartarrek  
 Bena bidea moztü zeioen / erresumaren porrotek.

Lafitte

Hamazazpigerrenean, Lapurdik eta Zuberoak  
 Segida hartü zeioen, ondokoan Gipuzkoak.

Lhande

Bizkaia gero hasi zen, hemeretzügerrenean  
 Gure literatürako / laugerrena den euskalkian.

Gaur zinez floreat dago / gure zapta lürraldeetan  
 Aberasten ari zaigü / bere zentzü güzietan.

\* \* \*

### **14. JELKALDIA**

*Ligiko bortiian den Tintüra Bordan, jelki Aita Lhande, eta kanta bi bertset.  
 Ahairea: Xarmagarria zare.*

Lhande

Tintüra Borda beita / zeluko leihoa  
 Ene arrenküretan / heben dit gogoa  
 Gora baratzen dira / batetik hegoa  
 Eta larrazkenean / bestetik ürzoa.

Ermita txipi hontan / zütüt hüllanena  
 Heben aipatzen deizüt / üssü zorihona  
 Zonbait aldiz tristüra, bekanago pena  
 Heben errezebitzen / plazerez artzaina.

*Artaldearekin hel artzainak eta kanta.*

\* \* \*

## KANTA 6

### TINTÜRABORDA

Tintürabordan ere, hur honak osoki  
 Jende hanitxbeitü lagüntü sanoki  
 Ahüzkiren gisako lekü bilgarrian  
 Eta han bezalakoista ederrean.

**Arrapika:** Heben gure ardiek alhagia güti  
 Bedatse, larrazkenez, bizpahiru buxi  
 Gain hartarik halere, noiztara bisitan  
 Artzaina laketen, bai Tintürabordan.

Orhi, Bostmendieta, Arbaile bizkarra  
 Mauleko sargiala badoan ibarra  
 Eta bi bazterretan, hegien gidari  
 Hebentik Maidalena, hantik San Gregori.

Üngüruan oihana, ürzoen haidürü	Azkorrian gorarik, izar bat üdüri
Basabürü güzia bere hoinetan dü	Zure ttaka xuria hürrüntik ageri
Bertan Ibar Exkerra, hor Esküin aldea	Gain hortara heltzea, ibilte nekea!
San Mixelen gerizan, heben aterbea.	Bena bortala baiko, hor oi zer bakea!

*Hitzak: J.-L. Davant*

*Músika:*

\* \* \*

## 15. JELKALDIA

*Jelki Pariseko «türk» andereak, «look branché» batetan.*

Lhande jesüita hori, ai zer kokillota  
 Zinez burratzen gitin, ezarten dehotu.

Ama Euskal Herritik / hürrüntü behar dü  
 Hortan indar sobera / hartzen ari beitü.

Jesüiten argi hori /beitügü partida  
Jansenismaren beltza / gibeltzen hasi da.

Errelisione bortitzta / egokiena zaigü  
Zaharrak lotsan bizi, gaztek hori hügü.

Jansenismari esker, gazteak ihesi  
Gisa horrez behar da / paganoarazi.

Euskal Herri ejerra / dezagün izorra  
Lan hortan güü girade / Troiako bohorra.

Lhande bertan doala / «banlieue» batetara  
Miseria gogorrenak / han goza ditzala.

Pagano, komüniste, zorriak, hetika  
Intzestü, pedofilo, lapur eta kaka!

\* \* \*

## 16. JELKALDIA

*1925ean Paris üngüriian, jeiki Lhande eta Mortier ontsa deitü apeza, egiazko, ez idazleak asmatiña. Hau pallota esküan, Lhande plan batekin.*

Mortier  
Pariseko «banlieue» hontan, izigarri da miseria  
Eta manera bereziz, alojatzeko nekezia.

Ahal bezala niz ari, lagüntzaleak bil eta  
Egoitza berri egiten, herri etxeekin prefosta.

Lhande  
Miseria latza ber gisan / hanitxen osagarrian  
Izan dadin korpitzean, halaber ezpiritüan.

Mortier  
Korpitza sendo lehenik, eta ondotik arima  
Eri baten aitzinean, hola(a) ari zen Jesús Jauna.

Lhande  
Biak batean egin zütüan, biak batetan sendotü  
Hortan imita dezagün, korritz-arimak artatütz.

Jesüsen deia oihüsta, ez dezagün ütz geroko  
Horren indarra balia / güzien arrapizteko.

Irratiz dei eginen dit / güzienbihotz honari  
Eta denen soser esker, «banlieue» hau dezagün berri.

Mortier  
 Arrazu düzü lagüna, sü hori pitz dezagüla  
 Etxe berriekin batean, praubea jeiki dadila.

\* \* \*

## KANTA 7

### **MAITATZEA = LAGÜNTZEA**

Jeik hadi fededüna, jeik hadi jentea  
 Lürra peza oso dük, eta güzien ama  
 Hor akortean daude / Jinkorik gabea  
 Filosofoak eta / Bibliak errana.

Historian ezin da / berriz gibel egin  
 Eta geroan ere /miraküllü güti  
 Zerbait ahal dükegü / politikarekin  
 Potere buxi hori / ez dezagün ützi.

Beharrünanta lagünt, nork bere heinean  
 Bakoitzak egin diro / noiz nahi bizian  
 Hortako ez da behar / eskola handirik  
 Ez eta fortünarik / Burtsan jokatürik.

Alargüntsa praubeak / zerbait eman züan  
 Haboro balin badüt, ahal düt haboro  
 Hein bat ontsa parteka, bizi jüstizian  
 Lür hau biziariatz / orai eta gero.

\* \* \*

## 17. JELKALDIA

*1927ko barantailaren (otsailaren) 2an, «Poste National Radio-Paris» irratian, jelki Lhande eta kasetalari bat.*

Lhande  
 Otsoaren basakeria / noiz ütziko dü gizonak?  
 Jesüsen Berri Honari / beha ziteie lagünak!

Jinko honak maite gütyü, bai eta libratü nahi  
 Horrez dü bere semea / gürtartealat igorri.

Jinkoaren erresuma / Jesüsek erein mündüan  
 Erier eman sendotzea, bihotzer ezpiritüa.

Kasetalaria  
 Gük zer egin dezakegü / erresuma berri hortan?  
 Jinko Jaunak ez ote dü / aski ahal bere beitan?

Lhande

Jinkoa ezpiritü da, hortarik emaiten deigü  
Ezpirituak ez dü eskürük, gureak peresta ditzogün.

Beharrünant hanitx bada / non nahi gure mündüan  
Lagüntü behar dütüğü, lehenik gure kantüan.

Kasetalaria

Mündü hontakoa ote da / Jinkoaren erresuma?  
Uste nizün hil ondoko / zatekeala zorihona.

Lhande

Jaungoikoaren erresuma / gure lür hontan da sortzen  
Lantare baten ber gisan, dügülerik hureztatzen  
Maitarzünaren ekian / hanitx ederki handitzen  
Eta Jesükristi esker, zelü gainean lilitzen.

\* \* \*

## 18. JELKALDIA

*1930ean Buenos Airesen, jelki Lhande, Irigoien Argentinako Presidenta eta beste jente elibat.*

Lhande

Amaren sorleküari / agur deirot bihotzetik (1)  
Amerikar euskaldüner / goraintzi Euskal Herritik.

Zortzigerren probintzia, heben dügü Amerikan  
Parte bat Kalifornian, lehenikan Argentinan.

Ene herritar maiteak, azkar ditzagün lotürak  
Eta züek haurrideak, etxek euskal ohidürak.

Irigoien

Ohore handia zaigü / zure bisita goxoa  
Arbasoen herrialat / ützül dezagün gogoa.

Europaren etsenplüa / behar dügü Argentinan  
Gure jentarte osoa / laster joan dadin aitzina.

Lhande

Bi aldeetarik badügü / algarrekin ikastea  
Züek bil demokrazia, gük etxek züen fedea.

---

(1) Pierra Lhanderen ama Montevideon sortürik zen, Uruguain, Rio de la Platako beste leihorean.

Elizako bürüzagiek / hürrüntü naie bekaitzez  
 Zuen artean lan emaitez / hirur urtez beren ustez.

Jaun horiek ez dakikee / zoin irus nizan zuekin  
 Maleruski fini diket / hiru hilabeterekin.

\* \* \*

## KANTA 8

### EUSKAL ARGENTINA

**Esperantxa gogoan**

**Hartüz itsasoa**

Argentinako zelai gozoan  
 Sartu arbasoa.

**Arrapika:** Bai, bai, bai, bai, bai,  
 Euskal Argentina  
 Bi aberrien oritzapena  
 Eta batarzüna!

Arbasoaren haurrak  
 Hanixkatü dira  
 Laboraritik jin diktatürra  
 Eta Che Guevara.

Popülü bat girela  
 Besteak bezala  
 Ülün-argiekila normala  
 Ezagüt dadila.

Itsaso güti denez  
 Oraiko egüinez  
 Gainti dezagün oi harremanez  
 Esküak emanez.

(*Bertset güziak bi aldiz eman*)

\* \* \*

## 19. JELKALDIA

*1933an Indian, jelki Mgr de Castro (Goako apezküpiña) eta Lhande.*

Lhande  
 Frantses Xabierren ondotik, Indialako bidea  
 Hartü dit ustez hau zela / jinkotiarren lürraldea.

Ikusi dit berehala / heben dagoen miseria  
 Eta bereziki nolaxe / bazter etxeiki den «paria».

Horrez mintzatü behar dit / Mahatma Gandhirekila  
 Horren aitzi sentorale / hartürükbeitü makila.

Castro  
 «Ezin hunkien» eskandala / Elizan ere badügü  
 Kiristien artean ere / nahi dütüe baztertü.

Bestalde Mahatmaren gain / misionetako ez konta  
 Ezpiritü zabala dü, bena zolaz hinduista.

Lhande  
 Ikusten dit zoin neke den / hebenko elizalana  
 Nihauk apür dit egiten, halere ahal düdana.

Beroa ez dit jasaiten, ez eta züen janaria  
 Bena jo beti aitzina, gora Jaunaren loria!

Goatzan Xabirren hobiala, Jatsu hau zer euskaldüna  
 Iñigo handi da bena, Xabier dügü jaunen jauna!

\* \* \*

## 20. JELKALDIA

*Erditik jelki Gandhi eta Lhande, hau txapel koloniala esküan.*

Gandhi – Ez otoi bürühasik egon!  
 Lhande – Zihau hala zira.  
 Gandhi – Ni hebenko eki bortitzari üsatürük nüzü.  
 Lhande – Bürüa gogor dit, euskaldüna beniz...

Gandhi  
 Indiaren libratzea / ez dizügü lan simplea  
 Ingalaterra bezain etsai / beitü barneko prabezia.

Korpitzentako gabezia, gogoentako ahülezia  
 Egoisma, bortizkeria, kasten arteko nekezia!

Lhande  
 Jesükristen Berri Honak / India berri dezake  
 Jente güziak bardintüz, eman argi eta bake.

Gandhi  
 Ber Jinko hona dizügü, gure sinestea jünta  
 Jesús eta Mahometen / mezüa gurean txerta.

Indiaren altxatzeko, denen beharra badügü  
Hinduisma zabal beita, hartan bat egin dezagün.

Sintesia bat ardietsiz, haren beitan bil gitean  
Kiristien propaganda / zatizale zait Indian.

Lhande  
Ber Jinko hona dizügü, ez beita Jinko bat baizik  
Bena hinduista zira, eta ni aldiz kiristi.

Errespetü hanitx deizüt, bena ez dago indarrik  
Jesüsen oihüstatuetik / epantxatüko naüanik.

Gandhi  
Heinaren etxekitzea, hori dügü heben giltza  
Algarren errespetüan, denak aitzina gabiltza.

Lhande – Hortan akort nüzü  
Gandhi – Eiñherik ikusten zütüt.  
Lhande – Xünen zinen, txapela ezarri behar nizezün: ekiak min egin ditazü...  
Gandhi – Ez ziteala hola egon, arta zite berehala!  
Lhande – Zaude bakean, behar dena eginen dit.

*Algar besarkatiirik, erditik badoatza.*

\* \* \*

## KANTA 9

### FRANTSES XABIER ETA JATSUKOA

Etxeberriko torreak / Leire zaintzen dü fidelki  
Joan de Jatsu, so egizü / etsaia denez ageri  
Oi Albret errege jauna, horra zizküü gaiztoki  
Ordü deno goatzan arren / iparraldealat ihesi.

Joan de Jatsu zentü baiko, bi semeak dira jeiki  
Gaztelako lür armada / nafarrek Iruñean jaulki  
Bürüzagia kolpatü, Loiolako jaun Iñaki  
Erdi hilik Gipuzkoalat / eraman düe ximenki.

Hirugerrena den Xabier / Nafarroari nigarrez  
Parisera ikastera, Espainiari bizkarrez  
Han Iñakirekin bakez, Lagundi berrian apeztez  
Misioniste joanen zaigü / portüges kolonien trebes.

Japonian et(a) Indian / Ebanjelioa zabaltüz  
Euskaldünen estimüa / ber gisan züan hedatü

Txinako mügetan hil zen / euskaraz otoitzeginez  
Nafarroako patrua, euskararena ber lanez.

\* \* \*

## **21. JELKALDIA**

*1934ko bedatsean Radio-Luxembourg irratian, jelki Lhande eta kasetalari bat.*

Lhande

Fede güzien gainetik, denena dügü bakea  
Borontate honeko den / jente ororen xedea.

Etxe(a)n hasiko da bakea, bena nork ekarriko dü?  
Entzüle maitea zihauk / ereinetik jinen zaizü.

Kasetalaria

Kanpoko lanetik landa, non ediren behar dügü  
Ez balin badago etxe(a)n, erdia gihauen frütü?

Lhande

Kanpoan ere bakea, pazentziaren haurra da  
Bihotz eztien eztia, parkamenaren segida.

Bortizkeria bazter ütziz, lanari lot iraünkorki  
Nausikeriaz mesfida, hegala ez ditzan ebaki.

Kasetalaria

Ürgüllüak astotzen dü, bürüngürüz ütsützen  
Ber gisan edanak eta / besta zozoak zozotzen.

Lhande

Iratzarri behar dügü, oi behazale maitea  
Kontientziaren ehaile da / hotzean lo egoitea.

Laster Bazkora gütüzü ...

*Hitza galdurik, Lhande jargiatik erorten da hedailo. Eramaiten diue.*

\* \* \*

## **22. JELKALDIA**

*Jelki Lhande jargia ibilkari batetan, serora batek egaririk.*

Lhande – (Eskii bat bürüuala eraikiz)  
Zer düt heben? Ezin mintza...hitzik ez horra...

**Serora – Orit zite, haurra zinen...**

Lhande – Bai ... ama...ama...Zalgize...Apphatia...Baiona...aita...Atharratze...  
*(Beso bat eraikiz) Tintüra Borda!*

Serora -Soizü, horra zaizü!  
 Lhande - (*Eskiña tinkatiüz*) Esker mila!  
 Serora – Ametsa lagün nezak...  
 Lhande – ni Atharratzera  
 Serora – Urte andana baten...  
 Lhande – han igaraitera  
 Serora – Orhiko txoriaren...  
 Lhande – kantan behatzera  
 Serora – Parka ditzan...  
 Lhande – nik egin nigarrak  
 Serora – Oi xiberotarrak...  
 Lhande – aitzinean gora  
 Biak – euskaldün bandera!  
 Serora - Ikusten düzü, salbü zira!  
 Lhande - Santa bat zira!  
 Serora - Eta zü trüfale bat!  
 Lhande - A hori ez!

*Biak erriz. Lhande emekiñi jeikitzen da, eta jargia lagün., badoatza.*

\* \* \*

## KANTA 10

### ENE SEMEA

*Jelki Lhande eta serora. Jargia ibilkarian etzanik, Lhande lo dago. Serora erditik badoa. Hortik jelki, xuriz bezti, Lhanderen ama zena, eta kanta.*

Ene semea, ützi züntüdan apezteko mezperetan (1)  
 Ene ametsa bete zünüan, eta gaintitü ber builtan  
 Eskerrik hanitx erraiten deizüt, berant handi batekilan  
 Bena denbora zer izan daite betiereko bizitzan, betiereko bizitzan?

Ene beharra badüzü berriz eternitateko bortan  
 Süstengatzera horra nitzaizü Holtzarte lazgarri hortan  
 Franko sofrizten ikusten zütüt pena handiz bihotzean  
 Kontsola zite, zurekin nüü, beti zure saihetsean, beti zure saihetsean.

Bai Jinko honak gogoko zütü, zure hütsak ahatzerik  
 Sofrikarioa jasan behar da, ezin baztertü delarik  
 Bena Jesüsek zütü salbatü, sakrifizio bakoitzaz

---

(1) Pauline Lhande-Heguy 1909an zentü zen, Pierra 1910ean apezgoala heltü.

Hari lotzea baizik ez düzü, fedez, maitez, esperantxaz,  
fedez, maitez, esperantxaz.

Laster artino, seme maitea, lanoaren haraintian  
Argi betean jeikiko zira, herioaren bestaldean  
Han ez dükezü eki bortitzik, bena zohardi sotila  
Aita-amekin, haurridiekin, adiskide güziekila, adiskide güziekila.

*Ama badoa erditik. Berriz jelki serora. Lhande jarten da.*

Serora – Pausatü zira?

Lhande – Hanitx ontsa! Amets bat egin dit, ezinago ederra...

Serora – Biba zü!

Lhande – Ama jin zitazü kontsolatzera kantore hunkigarri batez.

Serora – Eta egiazki agetü bazaizü?

Lhande – Ber gaüza zitazü, ber gaüza, ama ikusibeitüt, eta kantan entzün...

*Badoatza.*

\* \* \*

## 23. JELKALDIA

*1948ko üztailaren bederatzian, Mauleko Saint François (d'Assise) ikastetxeen. Ostirale arrastiri hortan, ikasturtearen ürrentzea handizki ospatzen da, ikasle hoberener sariak emanet: libürü eder elibat bereziki. Zeremoniaren bütü dago Aita Lhande, 71 urteetan, lerden, bilo xuri, begi urdin, ümoredetsü. Mintzaldi eiger eta hunkigarria egiten dii hor bildürük dauden ikasle, irakasle, familier.*

Lhande

Atharratzeko herria / nekez dizüt üzten  
Bena Lextarre-Maulera, gogo honez nüzü jiten.

Saint François ikastetxeen / egon nündüzün ikasle  
Haitik behin ezkapi, amaren gana joaile.

*(Ikasleek eskü-zartak)*

Amak beste gisaz hartü, eta zaharoa bildürük  
Presaka gibel ekarri, bi zankoak berotürik.

Ez zazuela ihes egin, arrazu ükenik ere,  
Ahal dena oro ikas, ez zaizüe dolütüren.

*(Aita-amek eta irakasleek txaloak)*

Ikasturte hau joanik, goretsi nahi zütuet  
Sari elibat emanet, eta «opor hon» erranez.

Hortan ütziko zütüet, ele hütsez ase gabe  
Aisa eiñhatzen niz eta / horrez dit hanitx herabe.

\* \* \*

## 24. JELKALDIA

*1949an, jelki Lhande makilari bermatüz, eta serora jargia ibilkaria erabiliz. Lhande laneko mahainari bürüz jarten da, paper andana baten artean.*

Lhande  
 Süperriürrak lan(a) emaiten deit, ausarki ene indarren  
 Franko aitzinatürük düt, haatik ez düt ürrentüren.

Iñigo Loiolakoa / segurki süjet ederra  
 Bena ez nüzü heltüko / amets horren betatzera.

Hainbeste paper belztürük, eta ez jakin nola bil  
 Üko egin beharko düt, ezpiritüa zait erdi hil.

Serora  
 Aita Lhande zaude bakean, deitüko dit süperriürra  
 Ürgazle bat igor dezan / zure paperen biltzera.

Zure lan izigarria / laster ürrentüko dizü  
 Beharrena egin ondoan, orai pausatü behar düzü.

Lhande  
 Eiñherik nüzü lazgarri, eta kasik ezintürük  
 Betiereko paüsüa / zinezbeitüt hüllantürük.

Jargian ützül.

\* \* \*

## 25. JELKALDIA

*1957ko apirilaren 14an Atharratzeko ospitalean, jelki Aita Lhande jargia ibilkarian etzanik, serora talde bat, Atharratzeko erretora, familia, ainguriak.*

Aingürük  
 Haur maitatü bat izanik, dohain güziak ükenik  
 Zure ñapürra goitürük, hanitx badüzü emanik.

Jinko hona et(a) euskara / zerbütxatüz arraheinki  
 Mail gora bat hunki düzü, beti sinetsiz ümilki.

Beherapen lüze hori / pazentziarekin hartüz  
 Etsenplü bat eman eta / bihotza hunki deigüzü.

**Lhande**  
 Gurekin egon, gurekin Jauna  
 Orano dügün hitzegin ...

*Azken hatsa eman dii.*

*Serorak begiak zerratzen deitzo. Erretorak benedikatzen dii.*

*Jelki saldoa eta kanta (11.a).*

*Kantatü ondoan, Aita Lhande jargia ibilkarian etzanik eramanen diie.*

\* \* \*

## KANTA 11

### KANTÜZ

Kantüz sortü niz eta kantüz nahi bizi  
 Kantüz igorten dütüt nik penak ihesi  
 Kantüz üken düdano zerbait irabazi  
 Kantüz gustüan dütüt güziak iretsi  
 Kantüz ez düta beraz hiltza merexi?

Kantüz igaran dütüt gaü eta egünak  
 Kantüz ekarri dütüt griñak eta lanak  
 Kantüz biltzen nütüan aldeko lagünak  
 Kantüz eman deiztaie obra gabe famak  
 Kantüz hartüko naüa zelüko Jaun honak!

Kantüz eman üken (dü)tüt zonbaiten berriak  
 Kantüz atseginekin erranez egiak  
 Kantüz eginbeitütüsü afruntüak  
 Kantüz aitortzen dütüt ene bekatüak  
 Kantüz eginen dütüt nik penitentziak.

Kantüz eginez geroz mündüan sortza  
 Kantüz egin behar düt ontsalaz hiltza  
 Kantüz emaiten badeit Jinkoak grazia  
 Kantüz idekiko deit San Pierrek atea  
 Kantüz egin dezadan zelüan sartza...

Kantüz ehortz nezaie, hiltzen nizanean  
 Kantüz ene lagünek hartürik airean  
 Kantüz ariko zeitzat lürrean sartzean  
**Kantü franko ütziko deiet mündüan**  
 Kantüz has ditean (ditin) beti nitaz oritzean.

*Hitzak: Jose Mendiague (Aldude 1845 – Montevideo 1937)*

*Musika: G. Lerchundi, Belokeko beneditarra.*

\* \* \*

## AZKEN PEREDIKÜA

Miraküilü bat izan zen / Pierra Lhande zalgiztarra  
Hastapenez Baionako, heltzean atharratzarra.

Bere jite aberatsa / zapatü gabe goitürk  
Zinez emankortü züan, indarrak artzainkatürk.

Ezin kontatükak dira / haren obra bereziak  
Gütün, libürü, kazeta, peredikü, mintzaldiak.

Delako «banlieue» praubetan, obra honen aitzindari  
Horrek berak ezagüen / ekar zeikeon Lhanderi.

Bere lanez eta famaz, txipi-handien gogoan  
Euskara ezarri deigü / hartze düan handigoan.

Mahatma Gandhirekilan, bardinez-bardin mintzo zen  
Hein hortan ikus giniro / Indian ehortzi bazen.

Gazterik eritü beitzen, baratü zen gütitürk  
Gora-beheren artean, üssü kasik ezintürk.

Hogeita hiru bat urte / igaran züan sofritzen  
Hamahiru pe horietan, gero hamar Atharratzen.

Gizon handienen artean / lizateke hau non nahi  
Ülünpetik argialatzen / orai behar lüke hasi.

Eginbide hau beterik, züekila gozatürk  
Ützi behar zütüegu, bihotz oroz agurtürk!

\* \* \*

## KANTA 12

### AZKEN KANTOREA: HERRIKOA

*Üsanxaren arabera, antzerki hau emanen düan herriko norbaitek hontzeko üzten da.*

AITA LHANDE  
(Antzerkia)